

CHISTIONIS ASUSU DE SA LIMBA SARDA E DE IS LEZIS A TUTELA DE IS LIMBAS DE MINORIA

Ddui funt lezis chi tutelant sa limba sarda? Calis funt?

Sa Carta Europea de is limbas de minoria de su 1992...

E sa Lezi de s'Istadu Italianu n.482 de su 1999.

Sa Lezi de sa Regioni Sardigna n. 26 de su 1997 ...

Calis funt is lezis po sa tutela de su sardu?

Is Lezis de interessi mannu chi pertocant sa tutela de is limbas de minoria funt is chi sighint:

- . Sa Carta Europea de is limbas de minoria de su 1992 chi donat linias de Printzipiu;
- . Sa lezi regionali n°26 de su 1997 chi tutelat sa limba e sa cultura sarda;
- . Sa Lezi de s'Istadu Italianu n°482 de su 1999 chi tutelat is limbas de minoria aintru de is làcanas de s'Itàlia, allistadas in s'articulu 2 : s'albanesu, su catalanu, is limbas germànicas, grecas, slovenas e croatas, su frantzesu, su francu-proventzali, su friulanu, su ladinu, s'otzitanu e su sardu.


≈ ≈ ≈ ≈

Ita est una limba de minoria?

Is limbas de minoria funt limbas chi benint fueddadas de zenti meda in unus cantu logus aintru de s'Istadu e chi tenint una istòria e règulas in soru, ma no funt reconnòschias cumentì limbas ufizialis.

S'articulu n° 1 de sa Lezi 482/99 narat ca sa limba ufiziali de s'Istadu est s'Italianu, est a nai ca s'italianu est sa limba chi s'insenniat me in iscola, chi si manizat in is ufizius e chi totus is atus ufizialis po tenni balidadadi depint èssiri iscritus in italianu. Ma, mancai si pongat in craru custu, si narat fintzas ca in Itàlia ddui funt unas cantu limbas de minoria acanta de s'italianu chi depint èssiri tuteladas e avaloradas, intra de custas ddui est fintzas su sardu.

Ita est una limba de minoria?



Sa limba de minoria est una limba fueddada de zenti meda in unu logu a intru de s'istadu. Ma no est reconnòschia de sa Lezi comentì limba ufiziali.

≈ ≈ ≈ ≈

Ita si depit fai po fai reconnoschi ca in unu Comunu si fueddat una limba de minoria?

Po s'articulu n° 3 de sa Lezi 482/99 in is Comunas in ui si fueddat una de is limbas de minoria allistadas de sa Lezi, est possìbili a ddu fai reconnoschi si ddu pedit a su mancu su 15% de is tzitadinus chi podint votai o una de is tres partis de is cussizeris comunalis. O puru, is chi tenint titulu po ddu fai, podint promovi una consultazioni de is tzitadinus residentis chi, si funt a favori, podint pediri su reconnoschimentu de sa minoria linguistica e otenni aitzì su profetu mannu de is azudus econòmicus prevedius de sa Lezi po avalorai custa limba in su territòriu in soru.

Ita si depit fai po fai reconnoschi de sa Lezi ca in bidda si fueddat su sardu?

Ddu podit pediri a su mancu su 15% de is tzitadinus chi podint votai de is comunus chi tenint una limba de minoria o una de is tres partis de is cussizeris comunalis.

